



Inatsisartuni ilaasortaq Knud Fleischer, Kattusseqatigiit Partiiat  
/maani

### § 37 naapertorlugu apeqqummut nr. 2012-081-imut akissut

*Asasara Knud Fleischer!*

Inissianik pitsaannerusunik peqqinnarnerusunillu sanaartornissaq pillugu  
apeqquteqarninnut qutsavigaakkat.

Matuma kinguliani akissutinni takusinnaassavat, inissianik nutaanik sanaartornerit  
inissiaatinillu pisoqaannerusunik iluarsaassinerit pisariitsumik aammalu  
teknikki/aningaasaqarneq eqqarsaatigalugu isumannaatsumik suliarineqarnissaat,  
taamaalillunilu aamma ilaatigut isumannaallisaanermi peqqissutsimilu pissutsit  
eqqarsaatigalugit suliap naammassisap naammaginartumik pitsaassuseqarnissaa  
Naalakkersuisuni tamarmiusuni eqqumaffigineqartoq.

Maannamut inissiat pitsaassusiat eqqarsaatigalugu inissiaatit amerlanerpaartaat  
ajoraluartumik naammaginangilluinnarput, aammalu naluneqanngitsutut  
iluarsaassinissamut pisariaqartitsineq isusisassanngingajappoq. Tamatumunnga  
ineqarnermut akiliutit appasitsinneqarnerat, tamatumalu kingunerisaanik inissiat  
pisariaqartinneqartumik aserfallatsaaliorneqarnissaannut aningaasassaqaannginneq  
attuumassuteqarluinnarpoq.

Matuma kinguliani apeqqutit ataasiakkaarlugit issuarneqarput, akissutinik  
malitseqartinneqarlutik.

#### **Apeqqut 1:**

*Naalakkersuisut sanaartornerup pitsaannerusumik pilersaarusiornissaanut  
peqqinnarnerusumillu siunissaqarnissamut, piujuartitsinerlu tunngavigalugu  
sanaartoriaaseqarnissamut piaartumik qanoq iliuuseqalersaarpat?*

Naalakkersuisut piffissami kingullermi "Namminersorlutik Oqartussat inissiaataanni  
illoqarfiit nutarterneqarnissaannut periusissat – Iluarsaassineq, isaterineq taartissanillu  
sanaartorneq" suliarisimavaat. Suliniutip, inissiaruarni inissianilu uiguleriinni inissianut  
tunngassuteqartup Inatsisartut ataatsimiinnissaanni tullermi saqqummiunneqarnissaa  
naatsorsuutigineqarpoq.

Illoqarfinnik nutarterinissamik periusissami inissiat pitsaasut peqqinnartullu,  
inuiaqatigiinni naleqartutut pingaarutilittut inissisimasut pigiinneqarnissaasa  
qulakkeerneqarnissaa pingaarnertut anguniarneqarpoq. Matumani inuiaqatigiinnut  
naleqartitat annertuut ineqarnermullu politikkimut tunngassuteqartut pingaarutilit

26. marts 2012

Sagsnr. 2012-063380

Dok. Nr. 864602

Postboks 909

3900 Nuuk

Tlf. (+299) 34 50 00

Fax (+299) 34 54 10

E-mail: [iaan@nanoq.gl](mailto:iaan@nanoq.gl)

[www.nanoq.gl](http://www.nanoq.gl)

pineqarput. Tamanna periusissami, ilaatigut inissianik pilersuineq aammalu illoqarfinni nunaqarfinnilu ataasiakkaani inissianik pisariaqartitsineq malillugu piareersarneqartariaqartumi ersersinneqarpoq.

Inissiat peqqinnartut toqqissisimanartut inuit pisinnaatitaaffigigaat, aammalu inuunermut pitsaasumut tamatta kissaatigisatsinnut tunngavissaanerat Naalakkersuisut tunngaviusumik aallaavigaat.

### **Apeqqu 2:**

*Sanaartornerliorneq pinngitsoorniarlugu sanaartortitsisup nakkutilliususaatitaaneranut atatillugu nunatsinni sanaartornermut issittumut naleqqussakkanik illussanik titartaasartunut aamma ingeniørinut sanaartornermut najoqqutassiornissaq pisariaqarsorineqanngila, assersuutigalugu 1980-ikunni aalisariutit issittumut naleqqussarniarlugit najoqqutassianut assingusumik?*

Sanaartornermi teknikkimut innersuussutit peqqussutillu, ukiorpassuarni misilittakkat tunngavigalugit nunatsinnilu sanaartorneq siunnerfigalugu suliarineqarsimasut arlallit pigineqarput. Tassani assersuutigalugu "2005-imi Sanatitsisumut ilitsersuut," illuni kiassarnermik pisariaqartitsinerup naatsorsorneqarnissaanut innersuussutit", "Illut qaliaasa ilusilerneqarnissaannut innersuussutit", "Beton atorlugu ilusilersuinermut peqqussutit" il.il. pigineqarput. Innersuussutit byginfo.gl-imi – sanaartornermi internetimut iserfissiami – ineriartortinneqartumi takuneqarsinnaapput.

Aningaasanut inatsimmi konto 70.01.07 Sanaartornermi oqartussaasut, aqutugalugu ingerlartsinermut aningaasaliisoqarpoq, tassanilu illuliat sanaartukkallu allat sananeqarnissaannut, ilusilerneqarnissaannut inissititerneqarnissaannullu aalajangersakkat ingerlaavartumik iluarsaneqartarput. Tassani uku qulakkeerneqarnissaat pingaarnertut siunertarineqarpoq,

- sanaartukkap ikualattoorneq, isumannaallisaaneq peqqinnissarlu eqqarsaatigalugit naammagintumik toqqissisimanassuseqarluni sananeqarnissaa ilusilerneqarnissaalu, aamma
- sanaartukkap tassanilu nunaminertat sanaartorfigineqanngitsut siunertamut atorneqarnissaat illersorneqarsinnaasumillu aserfallatsaaliorneqarnissaat eqqarsaatigalugu naammagintumik pitsaassuseqartinneqarnissaat.

Tamatuma saniatigut sanaartukkap akikinnerulernissaa pitsaasuunissaalu eqqarsaatigalugit anguniakkat pingaarutillit arlallit isumagineqartussaapput, tassunga iliuusissat, sanaartornermi naammassisinnaasanut annertusititsinnaasut, aammalu sanaartukkami isumalluutininik aatsitassanillu pisariaqanngitsumik atuinissamut pakkersimaarinnissutaasinnaasut siuarsarneqarnissaat ilaallutik.

Namminersorlutik Oqartussat sanaartornermut immikkoortortaqaafiata INI Byggeteknik A/S suleqatigalugu, sanaartukkani nutaani suliat naammassisat pitsaasuunissaat qulakkeerniarlugu suliniutit ingerlaavartut suliniutigisarpai.

### **Apeqqu 3:**

*Sanaartugassat pitsaasumik ingerlanneqarnissaannut inerneqarnissaannullu siunissamilu aserfallatsaaliinermit akissaajaataannginnerunissaat anguniarlugu*

*issittumut naleqquttuunerat nalilerniarlugu issittumi sanaatornermut immikkut ilisimasalinnik nalilersuisartussanik pilersitsinissamut Naalakkersuisut suliniuteqarusussinnaappat?*

Naalakkersuisut isumaqarput, sanaartukkanik pitsanngorsaaniarluni periarfissat atorluartariaqarivut, taamaalilluta pitsaassuseq aningaasaqarnerlu illersorneqarsinnaasoq angusinnaagatsigu. Ilisimatitsissutigisinnaavara, Ineqarnermut, Attaveqarnermut Angallanermullu Naalakkersuisoqarfiup suleqatigiissitap immikkut ittunik ilisimasalinnik ilaasortaqtartup, nunani issittuni sanaatornermik misilittakkanik ilisimasanillu ingerlatitseqqinnissamut suleqataasussap pilersinneqarnissaa pillugu soqutigisaqartunik attuumassutilinnik oqaloqatiginninnerit aallarniutaasut naammasseqqammermagit.

Aallunneqartussat pingaarutilit allat tassaapput, sanaatornerup iluani ilinniartitaanerit ilinniaqqittarnerillu. Siunissami sanasunngortartussat sanaatornermi assersuutigalugu isugutaap aseruisarnerata, tamatumalu kingorna sanaartukkami naammassisumi oquttoqarsinnaanerata qanoq ililluni pinngitsoorneqarsinnaanissaanik ilinniarnissaat pingaaruteqarluinnarpoq.

Sanaatornermi pitsaasumik ilusilersornissamut ilinniaqqinnerit ilinniarfiusumillu pikkorissartarnerit, sanatitsisunut, siunnersuisartunut sanaatornunullu sammitinneqartut aamma puigorneqassanngillat. Tamanna pissutigalugu Naalakkersuisut nuannaarutigaat, sanaatornermi suliassaqarfinnut suleqatigiiffiit suliassaqarfimmi pingaarutilimmi tassani ilaatigut Sanaatornermik Ilinniarfik suleqatigimmassuk.

**Apeqqut 4:**

*Nunatsinni sanaatorneq naleqqussarniarlugu sanaatornerliornerlu pinngitsoortinniarlugu issittumi nunat allat suleqatiginiarneqarpat?*

Nunani issittuni nunat immikkoortuisa iluanni ineqarnermut politikikkut sammisat oqaluserineqarnissaat, aammalu sanaatornermi teknikkimut tunngassutilinnut apeqqutit pillugit aveqatigiittarneq eqqarsaatigalugit sumi qanorlu periarfissaqartoqarnera apeqqutaatillugit suleqatigiinnissamut Naalakkersuisut ammasorujussuupput.

**Apeqqut 5:**

*Nunatsinni sanaartugassanut pilersaarutit pitsanngorsarniarlugit sanaatornerliornerlu pinngitsoortinniarlugu Sanaatornermik Ilinniarfik, ARTEK aamma issittumi ilinniarfiit allat qanoq annertutigisumik suleqatigineqarpat?*

Ineqarnermut, Attaveqarnermut Angallanermullu Naalakkersuisoqarfik ARTEK-imi Aqutsisooqatigiinni ilaasortaataitaqarpoq, taamaalillunilu ARTEK-imit aqunneqartunik sanaatornermi teknikkikkut ilisimatusarnermut ilinniartitaanermullu sunniuteqarsinnaalluni, tassungalu Sanaatornermik Ilinniarfiup suleqatigineqarnera ilaavoq.

Aamma Naalakkersuisut sulianut, "Future Greenland"-ip ataani ingerlanneqartunut tapersersuipput. Tassalu 2013 tikillugu piffissap ingerlanerani suliniut suleqatigiiffiusoq, illussanik titartaasartunit kalaallinit danskinillu peqataaffigineqartoq, kalaallit

oqaluttuarisaanerannik kulturiannillu tunngaveqarlutik aningaasaqarneq, inuiaqatigiit nungusaataanngitsumillu suliaqarnissaq eqqarsaatigalugit ineriartortitsiviusussanik nutaanik takorluugaqalernissamik siunnerfeqartoq ingerlanneqassaaq.

**Apeqqut 6:**

*Apeqqummi 4-mi nunat apeqqummilu 5-imi ilinniarfiit taaneqartut suleqatigalugit suliniutit tigussaasut suut ingerlanneqarpat?*

Ineqarnermut, Attaveqarnermut Angallannermullu Naalakkersuisoqarfik 2006-imi illuliornissamut malittarisassat suliarineqarnissaat sioqqullugu Danmarkimi, Norgemi, Sverigemi Canadamilu oqartussaasunut attaveqarpoq, nunani taakkunani sanaartornermut maleruagassat atorneqartut ilisimasassarsiorfiginiarlugit. Tamatuma saniatigut Savalimmiuni sanaartornermut malittarisassat suliarineqarnerini Naalakkersuisoqarfik Savalimmiunilu sanaartornermik oqartussaasut misilittakkanik paarlaateqatigiippat.

Ineqarnermut, Attaveqarnermut Angallannermullu Naalakkersuisoqarfik ARTEK/DTU suleqatigalugu ilaatigut 2006-imi illuliornermut malittarisassani nukissionermut piumasaqaatit tunngavigalugit ineriartortitsivoq. Suliassaqarfinni periarfissaqarfiusuni suleqatigiinnerup taassuma ingerlaannarnissaa siunnerfigineqarpoq. Kiisalu ARTEK/DTU-p, suleqatigiissitamut immikkut ittumik ilisimasalinnik ilaasortaqaatumut, apeqqutip 3-p ataani taaneqartumut ilaatinneqarnissaa siunertarineqarpoq.

Kingullermik Artek Event 2012-imut Naalakkersuisut ilaatitaqarput, tassanilu "Nunani issittuni sanaartornermi unammilligassat" pingaarnertut qulequtarineqarpoq. Ilaatigut Canadamit Alaskamillu (USA) peqataasunut attaveqalernerup saniatigut, ataatsimeersuarnermi nunani issittuni nunat immikkoortuini sanaartornermi misilittakkat aalajangersimasut ilisimasallu tamanut tunngasut pillugit aveqatigiinnissamut periarfissarsisoqarluarpoq.

Neriuppunga akissutikka naammagissagitit.

Inussiarnersumik inuulluaqqusillunga

Jens B. Frederiksen